

Uunga siunnersuut: ”Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkununnгалu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaat”

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Saqqummiussissut

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Siullermeerneqarnera

Naalackersuisut sinnerlugit matumuuna uunga siunnersuut ”Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkununnгалu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaat” saqqummiutissavara

Naalackersuisut aamma danskit naalackersuisui ulloq 14. marsi 2022-mi siunertanut nalunaarummik isumaqatigiissuteqarput, taamaaliornermi Kalaallit Nunaanni erngup nukinganik suliaasat ataasiakkaat aningaasalersorneqarnissaannut atatillugu qanoq danskit tungaanniit tapersiisoqarsinnaanersoq ataatsimoorlutik qulaajaaviginiarlugu, danskit naalackersuisui aammalu Naalackersuisut isumaqatigiillutik.

Danskit tungaanniit aningaasalersuinermut aaqqiissutissarsinissamut isumalluarnartumik piumassuseqarnek oqariartuutigineqarpoq, danskit naalagaaffiata taarsigassarsitseqqinnissaa ajornarunnaarsinneqarsinnaalluni. Tassa imaappoq taarsigassarsiat naalagaaffiup taarsigassarsiarititaannut inatsit naapertorlugi danskit aningaasaqarnermut ministerianit taarsigassarsiarineqartut, tamatumalu kingorna Kalaallit Nunaannut taarsigassarsiariteqqinneqarlutik.

Naalagaaffiup taarsigassarsitseqqinnerani niuernermit tunngavilimmik taarsigassarsitsisartut taarsigassarsiarititaannit appasinnerusumik erniaqartillugit tamatuma pisinnaanissaa qulakkeerneqarnerusussaavoq. Peqatigisaanik sapinngisamik akikinnerpaamik aningaasalersuinissaq qulakkeerniarlugi, nunap immikkoortuini aningaaseriviit aningaasaliisartut taarsigassarsititsisunut suliffissuarnut ilaasutut akuutinissaat sulissutigineqarpoq.

Naalackersuisut ataatsimut katillugu 3,1 mia. koruuninik akiisut annerpaaffissaasa iluanni taarsigassarsinnaanissaannut aammalu sanaartugassat inatsimmi pineqartunut ilaasut aningaasalersorneqarnissaannut taarsigassarsiarineqartut Nukissiorfinnut taarsigassarsiariteqqinnissaannut, erngup nukinganik innaallagissiorfiit aningaasalersorneqarnissaat ingerlanneqarnerallu pillugit sanaartornermut inatsit atuuttoq inatsimmi tunngavissamik imaqarpoq.

Erngup nukinganik innaallagissiorfiit aningaasalersorneqarnissaannut taarsigassarsinissamut sanaartornermut inatsimmi tunngavissaq naammattumik annertussuseqanngitsoq, maannamuugallartoq naalagaaffiup oqaloqatigineqarnerani ersarissivoq.

Danskit tungaanniit naalagaaffiup taarsigassarsititseqqissinnaanissaanut tunngavissarititaasut arlallit allassimapput. Erngup nukinganik ingerlatassat Nukissiorfiit ingerlataannit allanit avissaartinneqarsinnaanersut aammalu taarsigassarsianut pigisat nalillit qularnaveeqqusiunneqarsinnaanersut, tamatumunnga ilaatigut pingaaruteqarpoq. Ataatsimoortumik aningaasalersuinerup naalagaaffimmit taarsigassarsiatut aammalu aningaasalersuisartunit allanit pissarsiarineqarnera, aamma pingaaruteqarsinnaavoq.

Taamatut pisariaqartitsineq allannguutissatut siunnersuummi matumani naammassineqarpoq. Erngup nukinganik innaallagissiorfissanik sanaartornerup aningaasalersuinerullu aktiaatileqatigiiffimmut Namminersorlutik Oqartussanit pigineqartumut, naalagaaffimmit taarsigassarsititseqqinneqartussamut, tunniunneqarnissaat inatsisissatut siunnersuummi periarfissiissutigineqarpoq.

Atuisartunut iluaqutaasumik erngup nukinganik innaallagissiorfinnik sanaartornerup iluaqutissartaqarnerpaamik aningaasalersuutissarsinissaanut Naalakkersuisut atitunerusumik piginnaatinneqarnissaat, siunnersuummi taamaallaat siunertaavoq. Nukissiorfiit imminut ingerlatsitatut Namminersorlutik Oqartussanit pigineqartutut suliffeqarfiunera siunnersuummi allanngortinneqanngilaq. Nukissiorfiit nukissiamik imermillu innuttaasunut pilersuinissaq suli allannguuteqanngitsumik suliassarissavaa.

Erngup nukinganik suliassat suli inuiaqatigiit aningaasaqarnerannut ingerlatsinermilu aningaasaqarnikkut ingerlalluurtumik imminullu akilersinnaasumik aningaasaliinerussasut, aamma siunnersuummi allanngortinneqanngilaq.

Taamatut oqaaseqarlunga Naalakkersuisut sinnerlugit siunnersuut Inatsisartuni kajumittumik suliassanngortippara.